



Mesur Llywodraeth Leol (Cymru) 2011

2011 mccc 4

RHAN 6

TROSOLWG A CHRAFFU

PENNOD 1

PWYLLGORAU TROSOLWG A CHRAFFU

Penodi personau i gadeirio pwyllgorau

67 Yr adegau pan fo penodiadau i'w gwneud gan bwyllgor

- (1) Rhaid i'r ddarpariaeth benodi ddarparu ar gyfer penodi cadeiryddion pwyllgorau yn achosion A i C a nodir yn yr adran hon.
- (2) Rhaid i'r ddarpariaeth benodi ddarparu bod cadeirydd y pwyllgor, neu bob cadeirydd pwyllgor, yn yr achosion hynny, i'w benodi gan y pwyllgor y mae'r person hwnnw i'w gadeirio.
- (3) Achos pan nad oes grwpiau gwleidyddol ar yr awdurdod yw achos A .
- (4) Achos pan nad oes ond un grŵp gwleidyddol ar yr awdurdod yw achos B.
- (5) Pan ddigwydd y canlynol ceir achos C—
 - (a) mae dau grŵp gwleidyddol (ond dim mwy) ar yr awdurdod,
 - (b) nid oes gan yr awdurdod ond un pwyllgor trosolwg a chraffu, ac
 - (c) o ran gweithrediaeth yr awdurdod—
 - (i) mae'n cynnwys aelodau o'r ddau grŵp gwleidyddol, neu
 - (ii) nid yw'n cynnwys unrhyw aelod o'r naill grŵp gwleidyddol na'r llall.